



جدوال قمبراچان خطبه جمعة

Siri 11/ 2022

(Bulan November Tahun 2022)

تاریخ	تاجوق	ب
4.11.2022M/ 9 Rabi'ulakhir 1444H	گرهان: فریغتن دان منیفیستاسی کبسرن الهی	1.
11.11.2022M/ 16 Rabi'ulakhir 1444H	سوامی براخلاق، سوامی ایدامن	2.
18.11.2022M/ 23 Rabi'ulakhir 1444H	نصیحت دری منبر	3.
25.11.2022M/ 30 Rabi'ulakhir 1444H	فقیر تاقي سومبوغ، اکوکه ایت؟	4.
خطبه کدوا		

فرچیتقن دبیاای:ی:



تلیفون :

04-5498088

***Jawatankuasa Panel Semakan Teks Khutbah
Negeri Pulau Pinang***

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)



فقر تاقي سومبوغ، اكوكه ايت؟

(25 November 2022M / 30 Rabi'ulakhir 1444H)

الْحَمْدُ لِلَّهِ رَبِّ الْعَالَمِينَ، نَحْمَدُهُ وَنُسْتَعِينُهُ وَنَسْتَغْفِرُهُ وَنَتُوبُ إِلَيْهِ،
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ،
اللَّهُمَّ صَلِّ وَسَلِّمْ عَلَى نَبِيِّنَا مُحَمَّدٍ وَعَلَى آلِهِ وَصَحْبِهِ وَمَنْ دَعَا بِدَعْوَتِهِ إِلَى يَوْمِ الدِّينِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَنَفْسِي بِتَقْوَى اللَّهِ وَطَاعَتِهِ لَعَلَّكُمْ تُفْلِحُونَ.
قال الله تعالى: يَا أَيُّهَا الَّذِينَ ءَامَنُوا اتَّقُوا اللَّهَ وَقُولُوا قَوْلًا سَدِيدًا ﴿٧٦﴾ يُصْلِحْ لَكُمْ أَعْمَالَكُمْ
وَيَغْفِرْ لَكُمْ ذُنُوبَكُمْ ۗ وَمَنْ يُطِيعِ اللَّهَ وَرَسُولَهُ فَقَدْ فَازَ فَوْزًا عَظِيمًا ﴿٧٧﴾

SIDANG JUMAAT YANG BERBAHAGIA,

Dalam perhimpunan yang berkat di *saiyyidul ayyam* tika ini, marilah bersama kita perteguhkan ketakwaan kepada Allah سُبْحَانَهُ وَتَعَالَى dengan memastikan setiap perintah-Nya ditunaikan dan setiap larangan-Nya dielakkan. Sesungguhnya orang yang benar-benar bertakwa pasti akan memperoleh hati yang tenang dan jiwa yang lapang.

Sebelum melanjutkan bicara, suka khatib memberi peringatan. Marilah kita tinggalkan perkara lagha yang bertentangan dengan sunnah serta adab yang boleh mengurangkan pahala, iaitu tindakan yang memesongkan perhatian daripada mendengar khutbah dan isi kandungannya. Ini termasuklah perbuatan

berbual-bual, tidur dengan sengaja, bermain telefon bimbit dan menggerakkan tabung kutipan semasa khatib sedang berkhotbah. Bagi melengkapi kewajipan solat Jumaat hari ini, marilah kita menghayati bicara mimbar yang bertajuk: **“Fakir Tapi Sombong, Akukah Itu?”**

SIDANG JEMAAH YANG BERBAHAGIA,

Apabila menyebut fakir atau miskin, akan tergambar dalam fikiran kita seorang insan kerdil yang tidak punya harta, hidup dalam serba kekurangan dan bergantung kepada ihsan orang lain. Sementara orang kaya pula adalah insan beruntung yang punyai harta dan kemewahan, hidup dalam serba selesa dan mewah.

Namun sidang hadirin sekalian, apabila kita amati dengan lebih mendalam, berpandukan kepada firman Allah **سُبْحَانَهُ وَتَعَالَى**, kita akan dapati semua yang bernama makhluk adalah fakir dan miskin. Hidup sentiasa berhajat kepada yang Maha Kuasa. Segala yang dimiliki adalah pinjaman daripada Pencipta yang Maha Agung. Tiada satu pun milik kita secara mutlak. Firman Allah dalam surah Fatir ayat 15:

يَا أَيُّهَا النَّاسُ أَنْتُمُ الْفُقَرَاءُ إِلَى اللَّهِ وَاللَّهُ هُوَ الْغَنِيُّ الْحَمِيدُ ﴿١٥﴾

Maksudnya: *“(Oleh kerana Allah menguasai segala-galanya, maka) wahai umat manusia, kamu adalah fuqara’ (فُقَرَاءُ) yang sentiasa berhajat kepada Allah (dalam segala perkara), sedang Allah Dialah sahaja yang Maha Kaya, lagi Maha Terpuji.”*

SIDANG JUMAAT YANG DIRAHMATI ALLAH **سُبْحَانَهُ وَتَعَالَى**

Sombong adalah racun perosak yang memusnahkan kehidupan majoriti umat manusia. Akibat penyakit sombong yang bersarang dalam lubuk hati, manusia lupa kepada pemberi nikmat iaitu Allah **سُبْحَانَهُ وَتَعَالَى**. Petanda seorang yang diserang penyakit sombong ialah, tidak bersyukur dengan nikmat yang

dikecapi. Hilang sifat *qanaah* (قَنَاعَةٌ) iaitu rasa cukup terhadap bahagian yang telah ditetapkan untuk kita.

Tanda syukur bukan hanya sekadar melafazkan alhamdulillah, tetapi mesti diikuti dengan tindakan. Firman Allah dalam surah Saba' ayat 13:

... أَعْمَلُوا ءَالَ دَاوُدَ شُكْرًا وَقَلِيلٌ مِّنْ عِبَادِيَ الشَّاكِرُ ﴿١٣﴾

Maksudnya: "(Setelah itu Kami perintahkan) "Beramallah kamu wahai keluarga Daud sebagai tanda syukur!" Dan sememangnya sedikit sekali antara hamba-hamba-Ku yang benar-benar bersyukur."

HADIRIN YANG DIMULIAKAN ALLAH,

Marilah kita merenung sejenak situasi yang sedang berlaku dalam masyarakat Islam hari ini. Bagaimanakah sikap mereka terhadap pelbagai seruan Allah سُبْحَانَهُ وَتَعَالَى yang bertujuan untuk menghidupkan hati dan sanubari mereka. Allah menegaskan dalam surah Al-Anfal ayat 24:

يَا أَيُّهَا الَّذِينَ ءَامَنُوا اسْتَجِيبُوا لِلَّهِ وَلِلرَّسُولِ إِذَا دَعَاكُمْ لِمَا يُحْيِيكُمْ ۖ وَاعْلَمُوا أَنَّ
اللَّهَ يَحُولُ بَيْنَ الْمَرْءِ وَقَلْبِهِ ۚ وَأَنَّهُ ذُو الْإِلَهِ تُحْشَرُونَ ﴿٢٤﴾

Maksudnya: "Wahai orang-orang yang beriman, sahut dan sambutlah seruan Allah dan seruan rasul-Nya apabila Dia menyeru kamu perkara-perkara yang menjadikan kamu hidup sempurna dan ketahuilah bahawa sesungguhnya Allah berkuasa mengubah atau menyekat di antara seseorang itu dengan (pekerjaan) hatinya dan sesungguhnya kepada-Nya lah kamu akan dihimpunkan."

Sebagai contoh untuk renungan bersama, kita lihat bagaimana reaksi majoriti umat Islam terhadap azan yang berulang kali dilaungkan menerusi corong pembesar suara di masjid atau surau setiap kali masuk waktu solat. Apakah

mereka menyahutnya dengan bersegera menuju panggilan tersebut atau masih leka?

Sikap tidak cakna atau meremehkan seruan azan menunjukkan penyakit sombong yang besar di hati. Penyakit ini memusnahkan rohani, memudaratkan iman dan menghakis keyakinan. Lantaran itulah kita perlu dalam setiap tindakan, menyahut setiap seruannya dan dijadikan sebagai agenda yang paling utama.

Kalaulah jemputan taulan, sanak saudara dan jiran tetangga sering kita penuhi walaupun jauh jaraknya demi menjaga hubungan dan keakraban, pastinya hubungan yang akrab dengan Allah yang merupakan sumber kepada seluruh kehidupan lebih perlu dijaga. Oleh itu marilah kita mulakan dengan mengajak keluarga dan anak-anak kita, supaya sentiasa menyahut setiap seruan untuk membesar dan mengagungkan Allah **سُبْحَانَهُ وَتَعَالَى**.

SIDANG JEMAAH YANG DIRAHMATI ALLAH,

Mengakhiri khutbah pada tengahari ini, dapat kita simpulkan bahawa:

1. Kita adalah makhluk kerdil yang sentiasa berhajat kepada rahmat dan kasih sayang Allah.
2. Kesombongan dengan membelakangi seruan Allah adalah punca kesengsaraan umat Islam.
3. Tindakan terbaik untuk keluar daripada situasi ini ialah dengan merendah diri kepada Allah dan bersegera menyahut segala seruan-Nya.

Firman Allah dalam surah Taha ayat 124:

وَمَنْ أَعْرَضَ عَنْ ذِكْرِي فَإِنَّ لَهُ مَعِيشَةً ضَنْكًا وَنَحْشُرُهُ يَوْمَ الْقِيَمَةِ أَعْمَى ﴿١٢٤﴾

Maksudnya: *“Dan sesiapa yang berpaling ingkar dari ingatan dan petunjuk-Ku, maka sesungguhnya adalah baginya kehidupan yang sempit dan Kami akan himpunkan dia pada hari kiamat dalam keadaan buta.”*

بَارَكَ اللَّهُ لِي وَلَكُمْ فِي الْكِتَابِ وَالسُّنَّةِ، وَنَفَعَنِي وَإِيَّاكُمْ بِالْآيَاتِ وَالْحِكْمَةِ، أَقُولُ
قَوْلِي هَذَا، إِنْ كَانَ صَوَابًا فَمِنَ اللَّهِ الْمَنَّانِ، وَإِنْ كَانَ خَطَأً فَمِنْ نَفْسِي وَالشَّيْطَانِ،
وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ إِنَّهُ هُوَ الْغَفُورُ الرَّحِيمُ.



خطبة كدوا بولن نوفمبر

2022M/ 1444H

الْحَمْدُ لِلَّهِ عَلَى الْآلَاءِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِحُجَّتِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.

صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا
حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٩٦﴾

[الأحزاب: 56]

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرِّبَا وَالزُّنَا وَالزَّلَازِلَ وَالْمِحْنَ وَسُوءَ
الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ
عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ
الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP). Bersama-sama kita sumbangkan 10% daripada hasil kutipan Tabung Jumaat mingguan dari setiap masjid

kepada Tabung Wakaf yang telah ditubuhkan. Semoga infaq yang dihulurkan menjadi saham yang berkekalan manfaatnya, di dunia dan akhirat.

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara. Jauhkan kami dari tergolong dalam golongan yang mengabaikan tanggungjawab yang telah diamanahkan.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠١﴾ فَادْكُرُوا اللَّهَ الْجَلِيلَ يَذْكُرْكُمْ،
وَأَشْكُرُوهُ عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١٠٢﴾